



COMUNU DE SÀRDARA/COMUNE DI SARDARA
CUNCURSU LITERÀRIU IN LÌNGUA SARDA

Contendi in Sàrdara – 1^u edizioni 2012

REGULAMENTU E BANDU

1. Partetzipantis.

Su cuncursu est libberu e de badas, abertu a is scritoris in lingua sarda.

2. Setzioni.

Su cuncursu “Contendi in Sàrdara” est pratzu in tres setzioni:

- Setzioni de Poesia Sarda Inèdita, aberta a totus;
- Setzioni de Prosa Sarda Inèdita, aberta a totus;
- Setzioni Scolas, Poesia e Prosa Sarda, aberta a is studentis de s'Istitutu Cumprensivu de Santu 'Èngiu (includius is studentis de su ex Istitutu Cumprensivu de Sàrdara);

3. Is òperas amìtias.

Si podit partetzipai cun un'òpera sceti po dònna setzioni; Po sa setzioni c), po is scolas, est amìtia prus de un'òpera de parti de sa pròpiu Scuola;

Funt amìtias a su prèmiu totu is formas de poesia in rima (terzinas, cuartinas, sestinas, otavas, sonetus, modas, mutetus, etzètera) e a versus scapus, bastit chi no siant prus mannas de 50 versus in totu e chi siant inèdidas. Funt amìtias òperas in prosa de dònna genia, ma no depint essi prus mannas de 20.000 caràteris (tipu: times new roman, mannària: 12), spàtziu includius, bastit chi siant inèdidas. Is òperas depint essi frunidas de glossàriu cun is fueddus/dicius/maneras de nai pagu comunas e connotas.

4. Temas.

A prexeri de is scritoris.

5. Giuditziu de sa Cumissioni.

No si podit andai contras a su chi detzidit sa Cumissioni chi càstiat is òperas. Sa Cumissioni at a sceberai, chi ddui funt, intra de is partetzipantis amìtius, a su mancu 3 finalistas po dònna setzioni chi ant a essi decrarau bincidoris. Ant a podi essi assinnadas una o prus propositzionis de minescimentu.

6. Giuria esaminadora.

Sa Cumissioni tenit s'incàrrigu de cuntrollai is òperas chi arribbant. Sa Cumissioni at a essi cumposta de genti de esperièntzia provada, capatzidadi e cumpetèntzia in su campu culturali e linguisticu. Innantis de sa data de proclamatzioni de is bincidoris s'at publicai s'elencu completu de is chi cumponint sa Giuria.

Critèrius de sceberu

- Is òperas depint essi scritas sceti in lingua sarda.
- Is òperas no depint essi stadas premiadas in Itàlia o in foras de Itàlia, in libburus, periòdicus, in internet o documentus audiovisivus, ne premiadas o sinnialadas in àterus cuncursus.

7. Tzirimònia de premiatzioni.

Is finalistas si depint presentziai a sa premiatzioni. In casu de strobba cumprovau est amìtia sa dèlega a una personi incarrigada de s'arritu de su prèmiu. In sa tzirimònia, cun presentada lestra de is òperas amìtias, s'at a protzedi a sa decrarada ufiziali de is bincidoris.

8. Cumentì mandai is òperas.

Is òperas podint essi spedidas cun racumandada A/R, cun 4 còpias, cun sa scheda de partetzipatzioni; depint arribbai, cun sa posta o cunsinnadas a manu, a intru de sa dii 15/11/2012 (Ballit su timbru de sa posta o s'arricida, timbrada e firmada de su chi dd'arritit, innoi siat scrita sa data de cunsinnia a manu) a s'indiritzu chi sighit: Comune di Sàrdara, Piazza Gramsci, 1- 09030 (VS), in busta serrada innoi ddoi siat scritu in

foras, in modu craru, “Contendi in Sàrdara” - Sàrdara – 1u ed. 2012”, cun sa setzioni innoi si bolit partetzipai.

S'organizazioni de su cuncursu no tenit responsabbilidadi peruna de ritardus o faddinas de is Postas.

9. Aprontamentu de sa busta e tratamentu de is òperas apustis de su cuncursu.

Is òperas e is bustas chi ddas cuntinent depint essi scritas chentza de nòminis e no depint portai sinnu de identificatzioni perunu ma essi firmada sceti cun d-unu nomingiu. A intru de una busta manna ddoi depint essi àteras 2 bustas scambilladas: una prus manna cun 4 còpias de s'òpera cun su glossàriu e su CD cun s'elaborau, un'àtera pitica, serrada, innoi si depit ponni sa scheda de partetzipatzioni. In sa scheda de partetzipatzioni si depit scriri su nòmini e sangunau de su scritori, su nomingiu, su titulu de s'òpera, s'indiritzu de residèntzia, su Stadu, po chi bivit in foras de Itàlia, su nùmeru o is nùmerus de telèfonu e, po chi ddu tenit, s'indiritzu de posta eletrònica. In prus, depit essi scrita sa setzioni innoi si bolit partetzipai e una decrarada innoi s'atzetant is normas e is cuntizionis cuntènnias in custu Regulamentu, po no essi esclùdiu de su cuncursu.

Is chi bolint partetzipai a ambaduas is setzioni a), b), in su plicu si depint ponni 2 bustas mannas, una po dònna òpera (sèmpiri in 4 còpias + CD) e una pitica po sa scheda de partetzipatzioni, chi est ùnica, fintzas chi si bolit partetzipai a prus setzioni paris. In sa setzioni c), chi is Scolas bolint partetzipai cun prus de un'òpera, in su plicu depint ponni tantas bustas mannas, cun d-unu nùmeru, cantu funt is òperas, una po dònna òpera (in 4 còpias) e tantas bustas piticas cantu funt is òperas cun is schedas de partetzipatzioni, cun su pròpiu nùmeru de is bustas mannas. In custu casu si podit ponni unu CD sceti po is scritoris chi faint parti de sa pròpiu classi (duncas 1 CD po classi). In custu casu su CD depit essi postu aintru de una busta po contu suu. Sa Segreteria de su cuncursu aberrit is bustas, ponit unu nùmeru in is bustas de a intru, arregollit sa busta pitica e cunsinniat cussas chi cuntinent is òperas a sa Giuria chi ddas depit esaminai. Is òperas no si torrant ma ant a essi ma postas in d-una setzioni, in paperi e in formau digitali, de sa Biblioteca Comunali de Sàrdara e in su situ de su comunu. Su copyright, chi esistit, est de su scritori chi partetzipat a su cuncursu. In su momentu chi si mandant is òperas a su cuncursu, s'atzetant totu is normas cuntènnias in custu Regulamentu.

10. Prèmius.

Is scritoris de is 3 òperas prus bellas de ònnia setzioni funt decrarau bincidoris de sa setzioni innoi ant cuncurtu e ant a essi premiaus cun sa publicatzioni de is òperas in d-unu libburu. Is piciocheddus bincidoris de sa setzioni C) a prus de sa publicatzioni ant a arriciri prèmius. Un' atestau de minescimentu at a essi giâu a totu is scritoris chi ddis minescint. A totus is scritoris at a essi cunsinniau un'atestau de partetzipatzioni a su Cuncursu literàriu. Totu is òperas prus bellas ant a essi comuncas publicadas in d-unu libburu.

11. Tempus.

In su situ de su Comune: <http://www.comune.sardara.vs.it> ant a essi sinnialaus is nòminis de is chi ant a essi premiaus, a su mancu dexi diis innantis de sa tzirimònia de premiatzioni. Issus ant a essi informaus fintzas cun litera e/o e-mail.